


U ovom broju, između ostalog, čitajte:

- **Održana XVII redovna Skupština Udruženja poslodavaca FBiH**
- **Potpisan Kolektivni ugovor o pravima i obavezama poslodavaca i radnika za djelatnost trgovine**
- **O prijedlozima zakona koji imaju za cilj olakšavanje poslovanja održana panel diskusija na GRAPOS -EXPO 2018**
- **Američka ambasada zatražila od UPFBiH ocijenu uslova poslovanja u FBiH**
- **Poslodavci oslobođeni plaćanja određenih uvoznih i izvoznih dažbina**
- **Prezentovane aktivnosti Udruženja za ukidanje i smanjenje parafiskalnih nameta**
- **Sastanak predstavnika Udruženja i v.d. direktora Porezne uprave FBiH**
- **Generalni direktor ArcelorMittala na sastanku sa rukovodstvom Udruženja poslodavaca FBiH**



Održana XVII redovna Skupština Udruženja poslodavaca FBiH

Udruženje poslodavaca Federacije Bosne i Hercegovine održalo je 04. aprila 2018. godine redovnu godišnju skupštinu na kojoj je usvojen plan rada za 2018. godinu. Fokus Plana je poboljšanje poslovnog ambijenta, olakšavanje poslovanja, otvaranje novih radnih mjesta i suzbijanje sive ekonomije.

Godišnjoj skupštini UPFBiH izuzev rukovodstva i delegata Udruženja prisustvovali su i premijer Vlade FBiH



Fadil Novalić,

ministrica finansija i zamjenica premijera FBiH Jelka Milićević, potpredsjednici FBiH Melika Mahmutbegović i Milan Dunović, pojedini ministri iz Vlade FBiH, predstavnici sindikata, institucija, akademske zajednice i regionalnih poslodavačkih udruženja.

„Udruženje poslodavaca FBiH je najaktivniji partner u socijalnom dijalogu koji sa svojim konkretnim prijedlozima doprinosi poboljšanju kvaliteta donesenih zakona. Najbolji primjer za to je Zakon o PIO/MIO FBiH na kojemu je UPFBiH aktivno radilo i njihovi vrlo konkretni prijedlozi su usvojeni”, istaknuo je federalni premijer Novalić, pozdravljajući rad Skupštine UPFBiH.

Potpredsjednica FBiH Melika Mahmutbegović pohvalila je rad UPFBiH.

„U FBiH postoji potreba sinergijskog djelovanja izvršne i zakonodavne vlasti , poslodavaca, akademske zajednice i drugih interesnih grupa s ciljem poboljšanja ekonomske situacije i kvaliteta života građana", istaknula je Mahmutbegović.



Potpredsjednik FBiH Milan Dunović izrazio je zadovoljstvo saradnjom sa UPFBiH, te naglasio da se radi o Udruženju koje konkretno radi i doprinosi donošenju kvalitetnijih zakona i poboljšanju poslovnog ambijenta.

Delegati Skupštine UPFBiH izabrali su Marinka Gilju za predsjednika Skupštine te Mirka Vincetića i Salema Ekmešićića za potpredsjednike Skupštine UPFBiH.



Govoreći o onome što UPFBiH namjerava raditi u ovoj godini predsjednik Udruženja poslodavaca FBiH Adnan Smailbegović je naglasio opredjeljenje UPFBiH da i dalje djeluje proaktivno,

kao partner Vlade FBiH i sindikata.

„U tom pravcu, uradili smo set od 15 prijedloga zakona koje ćemo ponuditi Vladi FBiH u narednom periodu na razmatranje i dalju proceduru. Vjerujemo da će ti zakoni biti usvojeni, tim prije što njihovim usvanjem ne bi bili narušeni fiskalni tokovi", istaknuo je Smailbegović.

Kada je u pitanju jačanje UPFBiH Smailbegović je najavio otvaranje Edukacijskog centra, kao širenje lepeza usluga u smislu pravnog, knjigovodstvenog i računovodstvenog savjetovanja naročito za manje kompanije. UPFBiH će se angažirati na formiranju ekonomsko-socijalnih vijeća u kantonima u kojima do sada nisu formirana. Na međunarodnom planu UPFBiH planira raditi na ispunjavanju uslova za pristupanje Business Europe, jačati saradnju sa Međunarodnom organizacijom rada (ILO) kao i regionalnim udruženjima poslodavaca.

Direktor UPFBiH Mladen Pandurević predstavljajući izvještaj o finansijskom poslovanju u prošloj godini naglasio je da je Udruženje ispunilo plan i da je prema izvještaju revizije pozitivno poslovalo.

„Za ovu godinu smo donijeli ambiciozan finansijski plan s prevashodnim ciljem širenja usluga za naše članstvo", naglasio je Pandurević.

UPFBiH će u



narednom periodu insistirati na donošenju uredbe prema kojoj nijedan propis neće moći biti usvojen, a da prethodno nije dobio mišljenje UPFBiH, u smislu kako će taj propis uticati na

nova

opterećenja

poslovanja.

Insistirat će se,

također, na

izmjenama

poslovnika o

radu oba doma

Parlamenta

FBiH s ciljem da



se na sjednice oba doma Parlamenta FBiH pozivaju predstavnici UPFBiH i da mogu



učestvovati u

parlamentarnoj

raspravi o

zakonima koji

ste tiču

poslovnog

ambijenta.

UPFBiH i Sindikat trgovine potpisali Kolektivni ugovor o pravima i obavezama poslodavaca i radnika za djelatnost trgovine u FBiH


Predsjedavajući pregovaračkog tima Grupacije poslodavaca iz oblasti trgovine pri Udruženju poslodavaca FBiH **Edin Ibrahimović** i predsjednica Sindikata radnika trgovine i uslužnih djelatnosti **Mersiha Ferhatović-Beširović** potpisali su u Mostaru 09. aprila 2018. godine Kolektivni ugovor o pravima i obavezama poslodavaca i radnika za djelatnost trgovine u FBiH.



„Udruženje poslodavaca FBiH potpisivanjem ovog Kolektivnog ugovora, ispunjava obećanje dato radnicima da ne trebaju brinuti u vezi sa garantiranjem

njihovih prava kroz kolektivne ugovore. U pregovaračkom timu UPFBiH bili su predstavnici većine najvećih trgovačkih lanaca u FBiH. Današnjim potpisivanjem na najbolji način potvrđujemo da je naš interes zadovoljstvo naših radnika", istaknuo je Edin Ibrahimović, predsjedavajući pregovaračkog tima UPFBiH.

Predsjednica Sindikata radnika trgovine i uslužnih djelatnosti BiH Mersiha Beširović istaknula je da je potpisivanje Kolektivnog ugovora od izuzetnog značaja za radnike ove



oblasti, te da se ovim činom ruši stereotip da je ovo sektor u kojem se masovno krše prava radnika.


„Imidž ovog sektora u javnosti je da ovdje vlada apsolutna pravna anarhija, potpisivanjem Kolektivnog ugovora i zajedničkim snagama predstavnika Vlade, Sindikata i Udruženja poslodavaca polako mijenjamo tu sliku" istaknula je Beširović.

Svečanom potpisivanju nazočio je i federalni ministar trgovine **Zlatan Vujanović** koji je istaknuo kako je potrebno unaprijediti poslovnu klimu i omogućiti poslodavcima da budu konkurentni na tržištu, što će u konačnici rezultirati da se značajnija sredstva mogu alocirati radnicima.

- Današnji čin je rezultat plodonosnog socijalnog dijaloga. Suradnja između Udruženja poslodavaca i Sindikata je konkretizirana ovim Kolektivnim ugovorom - dodao je Vujanović.

Kolektivnim ugovorom o pravima i obavezama poslodavaca i radnika za djelatnost trgovine u FBiH se definiraju pitanja iz radnih odnosa i u vezi sa radnim odnosima, način utvrđivanja plaće i plaće po osnovu radnog učinka, način i visina obračuna povećanja plaće po osnovu otežanih uslova rada, naknada plaće, način i visina utvrđivanja naknade za službena putovanja, uvjeti i visina naknade plaće zbog odsustva sa rada žene za vrijeme trudnoće u slučaju kad ne može biti raspoređena na druge poslove, pravo na otpremninu, uvjeti za rad Sindikata, postupak kolektivnog pregovaranja i način mirnog rješavanja kolektivnih radnih sporova, raskidanje kolektivnog ugovora.

Iz UPFBiH još jednom naglašavaju da su za Udruženje granski kolektivni ugovori neupitni. Također, naglašavaju da nastavljaju pregovore sa granskim



sindikativima s ciljem potpisivanja kolektivnih ugovora u onim oblastima za koje to još nije završeno. Sa današnjim potpisivanjem na snazi su četiri granska kolektivna ugovora i to za djelatnost prometa, djelatnost trgovine i uslužnih djelatnosti, preradu drveta i papira i komunalne djelatnosti, te da su u toku pregovori za tri granska ugovora - za djelatnost prerade i proizvodnje metala, djelatnost tekstilne industrije i djelatnost hemije i nemetala. Također su pokrenuti pregovori sa Sindikatom z djelatnost finansija, a do kraja godine Udruženje poslodavaca planira pokrenuti pregovore za potpisivanje pet GKU i to u oblasti građevinarstva, prehrambene i duhanske industrije, za djelatnost ugostiteljstva i turizma, djelatnost IT sektora i grafičke industrije.

Okrugli sto „Pravo lice trgovine u BiH – predrasude i realno stanje“

U Mostaru je 09. aprila 2018. godine održan okrugli sto „Pravo lice trgovine u BiH – predrasude i realno stanje" na kojem se razgovaralo o potencijalima i izazovima s kojima se suočavaju poslodavci i djelatnici u sektoru trgovine.

Okruglom stolu su prisustvovali predstavnici Sindikata trgovine i uslužne djelatnosti BiH, Udruženja poslodavaca FBiH te ministar trgovine BiH Zlatan Vujanović sa saradnicima.

Cilj svih aktera u ovom sektoru je opstanak u poslovnom okruženju, stoga je, ističe ministar trgovine FBiH Zlatan Vujanović, potrebno poslodavcima, kroz smanjenje poreza i doprinosa, olakšati poslovanje. Pozvao je poslodavce da svoje primjedbe i sugestije za poboljšanje poslovnog ambijenta dostave Ministarstvu kako bi se pravovremeno moglo reagovati.

Predsjednica Sindikata trgovine i uslužne djelatnosti BiH naglasila je da je dijalog između socijalnih partnera na zavidnom nivou, te da je potrebno stvarati pozitivniju sliku ovog sektora u javnosti i raditi na rušenju stereotipa.


Sekretar Udruženja poslodavaca FBiH Mersiha Jusić navela je da je potrebno poboljšati zakonska rješenja kako bi se unaprijedilo poslovanje, te da je Udruženje za 2018. godinu pripremlilo 15 zakona koje će dostaviti Vladi, a koji su tiču poslovnog ambijenta.

Nakon
diskusije o
prioritetnim
pitanjima
ovog sektora
i iznešenih
mišljenja o
izazovima i
problemima
sa kojima se
suočavaju



ključni akteri usvojeni su sljedeći zaključci:

1. Ključni akteri iz ovog sektoru odlučni su da zajedničkim angažmanom pokrenu procese i inicijative koje će trgovinu koja u ukupnom GDP FBiH učestvuje sa 14,5% i koja zapošljava skoro 100 hiljada ljudi, učiniti reprezentativnim i poštivanja dostojnim sektorom u ukupnoj ekonomiji FBiH.
2. Izazovi koje ovaj sektor ima ispred sebe su zajednički i oni utiču na generalno



okruženje u kojem ovaj sektor djeluje ali i pojedinačno na svako od prioriternih područja i pitanja.

3. Neka od bitnih oruđa u tim okvirima moraju biti socijalni dijalog te saradnja svih ključnih aktera.

4. Svi ključni akteri su saglasni da je opstanak u izezuto negativnom okruženju kao i rasterećenje privrede jedan od prvih koraka ka poboljšanju stanja u ovom sektoru.

5. Pravo na sindikalno organiziranje bi trebalo biti dodatno osigurano. Predstavnici STBIH su predložili da će pokrenuti Inicijativu prema Udruženju poslodavaca sa ciljem da organizovanje radnika u STBIH ne bude kamen spoticanja nego oruđe buduće saradnje socijalnih partnera u ovom sektoru.

6. Uređenje i monitoring statusa pijačnih trgovaca u FBiH je jedno od pitanja na kojem STBIH planira raditi te aktivno sarađivati kao i dosada sa Ministarstvom trgovine FBiH sa krajnjem ciljem da i ova populacijska grupa dobije svoj legalni radni status ali i članstvo u sindikatu.

7. STBIH se također nada da će u narednom periodu i u saradnji sa Ministarstvom trgovine pokrenuti inicijative kako bi se rad u dane praznika u FBiH stavio na dnevni red relevantnih institucija i organa i tretirao kao jedno od vrlo bitnih radničkih prava, posebno u ovom sektoru.

O prijedlozima zakona koji imaju za cilj olakšavanje poslovanja održana panel diskusija na GRAPOS –EXPO 2018


U okviru Međunarodnog sajma poduzetništva i obrta Gračanica GRAPOS – EXPO 2018 koji je krajem aprila održan u Gračanici održana je panel diskusija o temi „Prijedlozi zakona koji imaju za cilj olakšavanje poslovanja“. O ovoj temi učesnicima Sajma su govorili Mladen Pandurević, direktor Udruženja poslodavaca Federacije BiH, Ramiz Karić, predsjednik Grupacije poslodavaca Tuzlanskog kantona pri Udruženju poslodavaca FBiH, Kasim Selimović i Amir Hasičević iz Grupacije poslodavaca TK pri UPFBiH.

Kako je u uvodnom obraćanju istaknuo Mladen Pandurević poslovni ambijent u



FBiH ne ide na ruku poslodavcima, sa zakonskim rješenjima koja umjesto da olakšavaju, dodatno kompliciraju ionako složene administrativne procedure, sa fiskalnim i parafiskalnim nametima koji poskupljuju cijenu rada i procesa proizvodnje što umanjuje konkurentnost privrede i ne djeluje poticajno na uvođenje novih tehnologija i otvaranje novih radnih mjesta.

„Svjesni okruženja u kojem poslodavci posluju, Udruženje poslodavaca FBiH angažiralo



je tim eksperata iz raznih oblasti koji su pripremili i pripremaju prijedloge zakona sa obrazloženjima. Radi se o 15 zakona, osam zakona je već pripremljeno, a ostale ćemo ubrzo pripremiti i predati Vladi FBiH na dalju proceduru i usvajanje", kazao je Pandurević.

On je također najavio da će UPFBiH u 2018. godini insistirati na donošenju Uredbe prema kojoj ni jedan zakon neće moći biti usvojen bez prethodnog mišljenja poslovne zajednice u smislu kako će taj zakon uticati na poslovanje, kao i raditi na izmjeni poslovnika oba doma Parlamenta FBiH u cilju da se na sjednice oba doma Parlamenta FBiH pozivaju predstavnici UPFBiH i da im se dostavljaju svi materijali, kao i zastupnicima i delegatima.

Predsjednik Grupacije poslodavaca TK pri UPFBiH Ramiz Karić istakao je problem sa donošenjem Zakona o šumama i turizmu u Tuzlanskom kantonu prema čijim odredbama poslodavci plaćaju određeni procenat takse za općekorisne funkcije šuma i turizam prema ukupnom godišnjem prometu, a ne prihodu što su tražili.

Kasim Selimović istaknuo je da poseban problem predstavlja neravnopravan odnos vlasti prema privatnim i javnim kompanijama u kojemu kompanije čiji je vlasnik država imaju povlašten tretman kada su u pitanju dugovanja prema državi i radnicima, inspekcijски nadzor itd.

Amir Hasičević posebno je naglasio da poslodavci imaju dojam da osobe u nadležnim institucijama koje rade na donošenju zakonskih rješenja nemaju adekvatan uvid u način na koji će se zakoni koje donose odraziti na poslovnu zajednicu, jer ne posjeduju adekvatna znanja niti pak konsultiraju privrednike koji praktično trebaju provoditi donesene zakone.

Američka ambasada zatražila od UPFBiH ocijenu uslova poslovanja u FBiH

Na inicijativu šefa Ekonomskog odjela Američke ambasade u BiH, a sa ciljem razgovora o prijedlozima Udruženja za rasterećenje privrede i ocjene općeg stanja poslovnog ambijenta, održan je radno-konsultativni sastanak sa direktorom Udruženja poslodavaca FBiH Mladenom Pandurevićem. Ispred Američke ambasade na sastanku su 18. aprila 2018. godine prisustvovali šef Ekonomskog odjela John Ashworth,

ekonomska

službenica

Kathleen

Larkin i

specijalist za

komercijalne

poslove

Edhem

Branković.


Direktor

UPFBiH



upoznao je prisutne o aktivnostima koje Udruženje spovodi na smanjenju i ukidanju parafiskalnih nameta te tražio podršku Američke ambasade.

Naime, jedna od inicijativa Udruženja je osnivanje koordinacionog tijela koje bi se sastajao najmanje dva puta mjesečno s ciljem analize postojećih nameta i njihove opravdanosti. Ukoliko bi se ustanovilo da određeni nameti nemaju opravdano uporište,



koordinaciono tijelo bi od nadležne institucije tražilo njihovo smanjivanje ili ukidanje.

Udruženje poslodavaca će u narednom periodu uputiti inicijativu za izmjenu poslovnika Vlade FBiH i domova Parlamenta FBiH s ciljem da se predstavnicima Udruženja osigura učešće u donošenju zakona i podzakonskih akata, a kako bi se ustanovilo da li isti donose nova opterećenja za poslodavce i da li su ona opravdana. Također, zahtjevat će se da se predstavnicima Udruženja poslodavaca FBiH odobri učešće na sjednicama domova PFBiH, kao i na sjednicama odbora i radnih tijela, odnosno, učestvovanje u raspravama o propisima koji su značajni za poslovni ambijent.

Također, neophodno je donošenje zakona kojim će se regulisati parafiskalni nameti, na čemu Udruženje aktivno radi.

Pandurević je naglasio da je Udruženje, u cilju rasterećenje privrede, napravilo amandmane na nacрте zakona o doprinosima i porezu na dohodak, kao i na Zakon o porezu na dobit, jer je potrebno donijeti zakone koji su provodivi i koji će privrednim subjektima osigurati dalji nesmetan rad i razvoj. Amandmani su upućeni nadležnim institucijama.

Dogovorena je kontinuirana saradnja i razmjena mišljenja između Udruženja poslodavaca i Američke ambasada, a direktor UPFBiH je zatražio podršku u izradi ekspertnih analiza od strane domaćih i stranih stručnjaka. Podrška bi se realizovala preko USAID-a.

Poslodavci oslobođeni plaćanja određenih uvoznih i izvoznih dažbina

Nakon mnogobrojnih sastanaka Udruženja poslodavaca FBiH i Uprave za indirektno oporezivanje, Vijeće ministara BiH je konačno donijelo Odluku o uvjetima i postupku ostvarivanja prava na oslobađanja od plaćanja uvoznih i izvoznih dažbina.

Ovom Odlukom, poslodavci imaju mogućnost da budu oslobođeni određenih uvoznih i izvoznih dažbina pri puštanju robe u slobodan promet.

Između ostalog, prema članu 6. navedene Odluke od plaćanja uvoznih dažbina oslobađa se oprema za proizvodnju koja se ne proizvodi u Bosni i Hercegovini, koja se uvozi za novu ili proširenje postojeće proizvodnje, modernizaciju proizvodnje, uvođenje nove odnosno osuvremenjenje postojeće proizvodne tehnologije, a kojom se obavlja neposredna proizvodna djelatnost.

Dakle, član 6. Odluke omogućava poslodavcima da budu oslobođeni od plaćanja uvoznih dažbina na mašine čije je porijeklo izvan EU. Na ovaj način došlo je do rasterećenja proizvođača metalne industrije, a jedan od prioriteta Udruženja poslodavaca FBiH je rasterećenje privrede u BiH.

Odluka je objavljena u Službenom glasniku BiH br. 24/18. Odluku možete preuzeti [OVDJE](#).

Prezentovane aktivnosti Udruženja za ukidanje i smanjenje parafiskalnih nameta




Na inicijativu Udruženja poslodavaca FBiH, direktor Udruženja Mladen Pandurević održao je 12. aprila 2018. godine sastanak sa šefom USAID-ovog Projekta reforme

fiskalnog sistema (FAR) Markom Campbellom. Sastanku je prisustvovala i pravnica Udruženja Jasmina Kurspahić.

Direktor UPFBiH upoznao je Campella o aktivnostima koje Udruženje spovodi na smanjenju i ukidanju parafiskalnih nameta te tražio podršku USAID-a.

Jedna od inicijativa Udruženja je osnivanje koordinacionog tijela koje bi se sastajao najmanje dva puta mjesečno s ciljem pregleda postojećih nameta i njihove opravdanosti. Ukoliko bi se ustanovilo da određeni nameti nemaju opravdano uporište, koordinaciono tijelo bi od nadležne institucije tražilo njihovo smanjivanje ili ukidanje.

Također, Udruženje poslodavaca će u narednom periodu uputiti inicijativu za mijenjanje poslovnika Vlade FBiH i domova Parlamenta FBiH s ciljem da se predstavnicima Udruženja osigura učešće u pregledima zakona i podzakonskih akata



koje donosi Vlada FBiH i nadležna ministarstva, a kako bi se ustanovilo da li isti donose nova opterećenja za poslodavce i da li su ona opravdana.

Šef USAID-ovog Projekta reforme fiskalnog sistema podržao je prijedlog direktora Udruženja da se održi sastanak predstavnika Udruženja, USAID-a, Ministarstva finansija FBiH i premijera Vlade FBiH na kojem bi se razgovaralo o donošenju zakona koji bi definisao poreski sistem u FBiH.

Campbell je podržao inicijative i aktivnosti koje Udruženje sporovi, te je zaključeno da će USAID i Udruženje u narednom periodu nastaviti sarađivati u oblasti fiskalnog sektora što će pomoći stvaranju boljeg poslovnog okruženja, otvaranju novih radnih mjesta, smanjenju korupcije i sive ekonomije te povećanju konkurentnosti domaće privrede.

Sastanak analitičarki IMPAQ International i direktora UPFBiH Mladena Pandurevića

IMPAQ International, američka kompanija koja pruža usluge istraživanja i savjetovanja domaćim i stranim klijentima u oblastima evaluacije programa, primijenjenih istraživanja, analize socijalne politike, dizajna istraživanja i prikupljanja podataka, kvantitativne i kvalitativne analize podataka i tehničke pomoći, prepoznala je Udruženje poslodavaca FBiH kao subjekt za analizu projekta USAID-a.

S tim u vezi, analitičarke Impaq Internationala Anela Kadrić-Abaz i Anesa Hadžić održale su 11. aprila 2018. godine sastanak sa direktorom Udruženja poslodavaca FBiH Mladenom Pandurevićem kako bi se izvršio monitoring implementacije projekata USAID-a (GOLD, FAR itd.).

Sastanak predstavnika Udruženja i v.d. direktora Porezne uprave FBiH

Predstavnici Udruženja poslodavaca FBiH održali su 13. aprila 2018. godine sastanak sa v.d. direktorom Porezne uprave FBiH Šerifom Isovićem i saradnicima. Ispred UPFBiH sastanku su prisustvovali Adnan Smailbegović, Mladen Pandurević, Mersiha Jusić i Zlatan Dedić.

Udruženje

poslodavaca je, s ciljem rasterećenja privrede, pripremlilo inicijative vezano za izmjene i dopune Zakona o porezu na dobit, Zakona o fiskalnim sistemima, Zakona o



zdravstvenom osiguranju, Zakona o računovodstvu i reviziji, te Zakona o finasijskom poslovanju.

Udruženje je, prije upućivanja inicijativa nadležnim institucijama, zatražilo mišljenje Poreske uprave FBiH.

Isović je istakao da su inicijative opravdane te da Porezna uprava i Udruženje poslodavaca FBiH trebaju biti sinergija kako bi se izradili zakonski propisi koji će biti primjenljivi u praksi.

Generalni direktor ArcelorMittala na sastanku sa rukovodstvom Udruženja poslodavaca FBiH

Generalni direktor ArcelorMittala Zenica Biju Nair posjetio je 17. aprila 2018. godine Udruženje poslodavaca FBiH gdje je razgovarao sa Mladenom Pandurevićem, direktorom, Adnanom Smailbegovićem, predsjednikom i Mersihom Jusić, sekretarom Udruženja.



Na sastanku je razgovarano o radu i aktivnostima Udruženja, te načinima i mogućnostima da se one unaprijede. Pandurević je podsjetio da su prioritetne aktivnosti Udruženja za 2018. godinu rasterećenje privrede kroz sprečavanje uvođenja novih nameta i smanjenje cijene rada, smanjenje parafiskalnih nameta, porezne olakšice, konkretni prijedlozi vezani za izmjene Zakona o porezu na dodanu vrijednost (PDV) koje idu u pravcu pomjeranja roka za podnošenje prijave za plaćanje PDV-a na zadnji dan u mjesecu, plaćanje PDV-a po naplati fakture, isključivanje prava na odbitni PDV za fakturu koja nije plaćena itd.

Također je naglasio da je Udruženje opredjeljeno za unapređenja pregovaračkog procesa kroz produženje važenja aktuelnih granskih kolektivnih ugovora i potpisivanja novih za djelatnosti gdje još uvijek nije zaključen kolektivni ugovor. S tim u vezi, razgovarano je i o Granskom kolektivnom ugovoru za djelatnost metala.

Udruženje poslodavaca suorganizator „Finance and Business Summit 2018.“



S ciljem prezentacija finansijskih usluga i strategija razvoja poslovanja u dinamičnom okruženju, 15. maja 2018. godine u Sarajevu će se održati jednodnevni Finance and Business Summit. Na sajmu će se govoriti i o budućnosti

razvoja finansijskih usluga i potrebama savremenog poslovanja za finansijskim uslugama, uslugama osiguranja i uslugama savjetovanja u upravljanju novčanim tokovima.

Summit je namijenjen svima koji se bave finansijama, razvojem finansijskih proizvoda i usluga, korporativnim finansijama i privrednicima iz cijele Bosne i Hercegovine. S tim u vezi, direktor marketinga i prodaje Oslobođenja Haris Kulović održao je 12. aprila 2018. godine sastanak sa direktorom Udruženja poslodavaca FBiH Mladenom Pandurevićem.

Pandurević je prihvatio da Udruženje bude suorganizator Samita na način da članovi Udruženja učestvuju u panel diskusiji na temu „Kako finansijske institucije mogu podržati poslovanje privrednih subjekata“. Također, Kulović je predložio potpisivanje Memoranduma o saradnji u svrhu saradnje nadogađaju "Finance and Business Summit 2018". Udruženje će sporazum razmotriti te u narednom periodu dostaviti odgovor.

Projekat „Promocija dualnog obrazovanja putem pilot projekta i edukacije“ odvija se po planu

Na drugoj sjednici Savjetodavnog odbora projekta „Promocija dualnog obrazovanja putem pilot projekta i edukacije“, održane 05. aprila 2018. godine, podnesen je Izvještaj o realizaciji projekta u



dosadašnjem periodu. Konstatovano je da se Projekat realizuje u skladu sa Operativnim planom aktivnosti, bez obzira što ugovor još nije potpisan sa Međunarodnom organizacijom rada.

Razgovaralo se i o načinu realizacije aktivnosti u narednom periodu. Kompanija Centrotrans će, po završetku praktične nastave, dostaviti prijedlog za izmjenu programa praktične nastave Ministarstvu obrazovanja Kantona Sarajevo, zaključeno je na sjednici.

Neophodna je reforma obrazovnog sistema u dijelu srednjeg strukovnog obrazovanja a uvođenje modela dualnog obrazovanja u obrazovni sistem je dobra prilika za rješenje problema neusklađenosti znanja i vještina sa kojima učenici završavaju školu sa zahtjevima procesa rada u kompanijama. Kroz dizajnirani i implementirani pilot projekat 20 učenika srednjih strukovnih škola bi bilo osposobljeno i zaposlilo se kod poznatog poslodavca.

Prvi edukacijski seminar "Jačanje kapaciteta ciljnih grupa u dualnom obrazovanju"

Dualno obrazovanje podrazumijeva edukaciju učenika i u školi i kompaniji, za što je potrebno sistemsko uređenje obrazovanja



zakonskim i podzakonskim aktima u Kantonu Sarajevo - kazao je predstavnik Udruženja poslodavaca Federacije BiH Zlatan Dedić tokom seminara "Jačanje kapaciteta ciljnih grupa u dualnom obrazovanju". Prvi od tri edukacijskih seminara održan je 24. aprila 2018. godine u Sarajevu.

Sušтина dualnog obrazovanja je, naglasio je Dedić, povezanost ponude i potražnje radne snage na tržištu rada, što bi rezultiralo povećanim brojem zaposlenih osoba te promjenu sistema u kojem će fokus biti na praktičnoj nastavi u kompanijama.

Na seminaru koji se održao u okviru Projekta Međunarodne organizacije rada "Promocija dualnog obrazovanja na osnovu pilot projekta i edukacije" učestvuju nastavnici te predstavnici kompanija, općina i Službe za zapošljavanje KS-a, a Dedić ističe da je ovaj projekt sačinjen od tri aktivnosti.

Prva je pilot projekt u kojem će 20 učenika iz Srednje škole za saobraćaj i komunikacije i Srednjoškolskog centra Vogošća u drugom polugodištu raditi u kompaniji Centrotrans Eurolines.

- Učestvovat će u praktičnoj obuci i raditi na poslovima automehaničara, autolakirera ili autoelektričara, a nakon završetka školske godine, ukoliko zadovolje uslove, dobili bi posao - kazao je Dedić.



U okviru projekta će biti održana i edukacija ciljnih grupa, kao i promocija dualnog obrazovanja koja podrazumijeva

izradu spotova o učenicima koji su učestvovali u projektu, kao i organiziranje dana otvorenih vrata i info-deskova.

Vlada Kantona Sarajevo je početkom maja usvojila Smjernice za uvođenje dualnog obrazovanja te formirala radnu grupu za izradu nacrtu zakona o dualnom obrazovanju u Kantonu Sarajevo, koji bi bio prvi u Federaciji BiH.

Udruženje poslodavaca KS uputilo Skupštini KS inicijativu za donošenje Zakona o izmjenama i dopunama Zakona o komunalnim djelatnostima

Inicijativo se traži izmjena člana 28., odnosno da jedinica mjere komunalnog otpada bude količina odvezenog smeća za proizvodne djelatnosti, skladišta, stovarišta i sl., a da se komunalna naknada za stambeni prostor utvrđuje prema broju članova domaćinstva.

Naime, trenutno važeće zakonske odredbe iz ovog poglavlja u velikoj mjeri oštećuju privrednike, jer se komunalna naknada utvrđuje po m² proizvodnog prostora, magacina i drugo, a samim tim je **veća za nekoliko desetina puta od stvarne vrijednosti usluge za odvoz smeća**. Na ovaj način je usluga koju vrši KJP RAD kategorisana kao porez, a ne kao usluga.

Ovakvo rješenje je nerealno i predstavlja novi namet za poslodavce.

Udruženje poslodavaca KS predložilo je da se nekada plaća sukladno količini, odnosno, zapremeni odvezenog otpada, te da se plaća po broju odvezenih kontejnera u mjesecu.

Također, komunalna naknada za građanstvo treba da se određuje prema broju članova domaćinstva, a ne prema m².

Prema trenutno važećem Zakonu ne plaća se izvršena usluga, već porez na korisnu površinu, a predloženim izmjenama ispoštovala bi se osnovna načela pravičnosti i postojanja protuusluge.

Inicijativu možete pogledati [OVDJE](#).

ESV ZE-DO: Zeničko-dobojski kanton je kičma razvoja privrede BiH

U četvrtak, 26.04.2018. godine, u sjedištu Vlade Zeničko-dobojskog kantona održana je osma sjednica Ekonomsko-socijalnog vijeća za područje Zeničko-dobojskog kantona. Razmatrani su Izvještaj o izvršenju Finansijskog plana JU Služba za zapošljavanje Zeničko-dobojskog kantona za 2017. godinu i Izvještaj o izvršenju Finansijskog plana Zavoda zdravstvenog osiguranja Zeničko-dobojskog kantona za 2017. godinu, koji su



jednoglasno primljeni na znanje od strane socijalnih partnera.

U nastavku sjednice se razgovaralo o Informaciji o realizaciji poticajnih

mjera Vlade Zeničko-dobojskog kantona za 2017. godinu. Predstavnik Udruženja poslodavaca FBiH-Grupacija poslodavaca Zeničko-dobojskog kantona Ibrahim Meškić je u osvrtu na prezentiranu Informaciju istu podržao, te predložio da s ciljem postizanja većih efekata pri planiranju Budžeta za narednu godinu za ovu namjenu budu opredjeljena veća sredstva, te da se pri planiranju projekata koji će biti subvencionirani



od strane Vlade uključi Udruženje poslodavaca.

Predstavnik Saveza samostalnih Sindikata-Kantonalni odbor Zeničko-dobojskog kantona Mirnes Isaković je u zaključnim razmatranjima pohvalio dosadašnji rad socijalnih partnera u okviru Ekonomsko-socijalnog vijeća, te pohvalio napore koje Vlada Zeničko-dobojskog kantona ulaže s ciljem očuvanja kvalitetnog socijalnog dijaloga.

Premijer Miralem Galijašević se zahvalio članovima Ekonomsko-socijalnog vijeća na konstruktivnom radu i potvrdio opredjeljenje Vlade Zeničko-dobojskog kantona za očuvanje i unaprjeđenje postignutog socijalnog dijaloga sa svim socijalnim partnerima.

„Naš kanton je kičma privrednog razvoja Bosne i Hercegovine. Snažan razvoj privrede našeg kantona u protekle tri godine u značajnoj je mjeri doprinjeo ukupnim rezultatima i stopama rasta izvoza, zaposlenosti, te smanjenju vanjsko – trgovinskog deficita. U tom smislu mogu obećati da ćemo, uvažavajući prije svega socijalne aspekte, nastaviti sa daljim rastom i razvojem na dobrobit svih građana Zeničko – dobojskog kantona i cijele Bosne i Hercegovine", kazao je Galijašević.



UDRUŽENJE POSLODAVACA

UDRUŽENJE POSLODAVACA FBiH

MULA MUSTAFE BAŠESKIJE 12/3, 71 000 SARAJEVO

TEL: 00 387 264 830

FAX: 00 387 33 552 461

MAIL: info@upfbih.ba

WEB: www.upfbih.ba